

行狀

奉政大夫四川保寧府同知應吾徐公行狀

蓋古虞有徐公應吾云。始予成進士，走下管，謁童子

試。師為徐望平先生，先生信宿我而公酒我。是時

心未鏗，挑闥在醉，先生孺蓄之而公客嚴之。是以予

愧不勝憚也。公仲子耳猷，以楚學使予養，而予侍杖

履者再。次見公坐如鎮，虎目炯炯，射燭問耳猷視餐

狀，則每飯噉數升，肉斤許，不飲酒。日從青烏氏走山

倪鴻寶曰  
孤清板介  
寫得春起  
脚牢千載  
而後有此  
老者

峯百里萬重。不借過肩杖也。予目攝耳猷，養何時而終乎。詎意歲星亦黯，古檜忽摧也。傷哉耳猷以文石壽公而屬其以狀，其既師門之子，而又姻耳猷，則何敢以椎辭，按耳猷行實，公名隣，字德徵，應吾其號也。父梅山公，遺遺金一囊，全活人。帝報之，公以嘉靖庚戌誕，梅山先生教公，不欲其眠熟，終夜呼之，溺卽不溺，亦必夢中擾之，下管簪笏蔽床，五經坊成矣。而軋麟史伯祖龍川公，擇雋補之，公乃授簡，獨擅鱗角。

十五泮游，壬午鄉薦，丙戌牘幾售，而糊名之間，郢書無說，鄉座師陳蘭臺欲發之，公不可，又兩別而以母衰謁選，當得州，得清源不拜，謂其膩也。當事者嘆悅，以徐易之，彭城故舟車喉膈，二厥九驛，不能應鞭笞，故事州長私其屬入，而以外解支吾郵遞，驛官見乘傳人輒辟匿，久待不耐，得稍飭鎗，或空縵比對訖盡，鞅鞅去，自公視事，實至如歸，資扉履，給備糧，卽無不滿志者。城故坐釜尻陸終氏之墟也。陸終氏窺井而

繫之以輪託之乎懼也。河決則人爲魚。公衣蓑躡芒，一如蘇子瞻故事。晝夜呼行，增雉餘一板而河至，幸不嚙灌。而呂梁洪者，被髮文人所游沒也。歲割舟如許，乃募力士槌其齧，悍急以定。歲苦饑，公便宜發倉粟，煮糜分給。時其飽餓，活人十餘萬。淮陽之式可碑也。亾何稅璫至，據徐爲壟斷，且隸視州官，公不爲挫璫所暇。日者王惟忠，越人也。公喚之來，日一刀鋸餘不足惜。爾吾同里，肉將糝，此何地也。飛揚跋扈，朱全

忠劉裕之鄉也。不亦重墮高準絕人膽力者，其間也。惟忠懞謝語璫，璫夜走。上下交相賴矣。會母夫人弗豫，乃不代。扶歸，老人袁通等醵七百余金爲奠。公曰：吾母念爾等，菑落喃喃，持佛號生飲黃河一盂水，豈其久而昧之。偶攝篆郡丞，至佛公之不媚也。淪此金而中以考功法，因倅中都。潁川盜名史籍，然率偷驢牛。粟尺布耳。公論曰：何直一歎，但有生隙。吾爲鑽之，盜淚灑境上。約母犯晉丞保寧，蒼溪臬吏豪有力。

顧乳氏乳其女寐而閉之絕乃掠氏剪其乳斃又生  
埋其五歲見乳夫走深谷伺公與過喊寃吏以千緡  
賄公曰法何借一絲乎亟坐之凡三月而蒼人祠公  
如父母公爲官不取餼贖無以獲上更論調則又倅  
瀛海司馬政去其害馬者而已攝任丘篆邑盡秉人  
例當及門請事公曰吾不能爲籩條戚施矣有兒麟  
薦再安轅下駒是不復有羞耻事也遂拂袖歸歸則  
蕭然圖史分耳猷見公宗孺已而長公宗孺

雋北闈同耳猷丙辰成進士長公謁選守陳州公最  
以三字訣曰清慎勤晉繕郎而勞隕耳猷以屯部郎  
陟楚學使楚人署以五字曰恭寬信敏惠駸駸乎節  
鉞矣日夜思公乞終養得請公不喜其歸亦不強之  
出每入郡城卽亟還曰吾性便谿山不喜羣譁常引  
隣父笑談壺奕終日不倦自不飲而喜人飲居一樓  
下上如飛而手書蠅頭字春秋十二公大意以訓坊  
姪公居常言孝弟爲人之本一失卽勲名蓋世無用

也以故俸所入半器與弟而子其子無二視聞有疾  
痛人即為發篋不容參珍以救之公貌方毅嚴重而  
中實坦和易與死之日擔負傭人俱為之泣下其至  
誠動物所謂桃李不言而自能成蹊者享年八十有  
三以崇禎壬申九月十有一日未時卒於正寢云云

明故誥封周母陳太宜人行狀

光祿少卿寧宇周先生之配誥封陳宜人以疾終於  
家其子惺正國愧將先生之命至思任之處擗踊三

明伴玉走  
三日寧宇

舍是一鐵  
漢子有銅

夫人配之  
乃做得事

此狀寸公  
聖算季重

越中無此  
恐得凍餓

日授者余  
此狀寸公

此狀寸公  
此狀寸公

此狀寸公  
此狀寸公

此狀寸公  
此狀寸公

此狀寸公  
此狀寸公

此狀寸公  
此狀寸公

百泣而請曰家大夫謂辱子知也先後兩同籍又以  
年誼辱講於子婦翁楊計部通家莫子若今不幸吾  
宜人不偕吾老然其苦行甚潛不忍不一章之敬以  
狀屬子任即蕪陋其何敢辭也爰筆之頃輒為之歛  
容而歎將以母狀宜人耶以妻狀宜人耶夫世俗稱  
能內助者相夫子讀書起家好官冀得錢耳得國取  
翟冠飾珠玉錦繡招搖游冶奇耀之服月異於鄉黨  
不則課賦獲權子母租儼雞猪子孫事耳間有曠者

口喃喃持空王、供諸誨邪薄、如是已焉。以予所聞太  
宜人、豈非操一貞、以正風化之原哉。宜人出梅里陳  
氏、生數歲不能言、問以語、第微哂而已。或日之曰、呆  
女、未幾而其祖陳三公、見其靜好、授以列女傳、諸姑  
姊不省、皆厭去。獨宜人窮究其解、母韓、竊窺之、凡事  
有可儀者、具以首圖之、則笑曰、我女不呆、其父心泉  
公在旁曰、是且當大貴、毋輕字人。寧宇先生家赤貧、  
心泉公獨以爲材、且端、遂字之。會先生連第、令元氏、

繁調恒山、文武鉅鎮、蹄較之所擊衝也。先生每先雞  
起盥櫛、至丙夜不得內、宜人身在爨下、伺饑腹、一取  
而給、先生作令、疆項忤焰璫、當事者以諷指、交劾至  
立逐、一肩行李、宜人隱蔽馬牛、溲渤間不稱苦。先生  
徙楚之崇陽、萬山中、斗許城耳、豪右以糧飛單戶、先  
生丈田均之、尺寸手訂、出必彌月、宜人在局判中、聞  
無人語、竟不知民市有何菜味、椅挖先生者、鋤之、欲  
盡歸坐堂皇、不幾日而王官之報至、豪右相與譁賀、

酌酒、歿、灰、無、能、爍、我、矣、先、生、日、夜、督、冊、宜、人、在、舍、中、  
手、操、篆、冊、若、不、欲、以、一、飯、故、失、仇、者、時、江、陵、柄、政、先、  
生、門、士、而、無、能、用、其、身、獨、期、會、預、申、豪、竟、不、得、脫、識、  
者、以、爲、先、生、至、此、氣、不、少、挫、是、有、大、定、力、者、不、知、宜、  
人、贊、之、若、相、車、而、將、輔、之、也、解、綬、之、日、宜、人、先、行、五、  
十、里、有、遣、婢、送、二、縑、者、縑、中、題、金、半、百、辭、曰、廉、餉、官、  
人、不、可、急、出、之、云、官、知、掠、矣、已、茹、而、好、意、其、有、丈、夫、  
槩、如、此、先、生、還、也、  
冷、突、更、不、熱、生、父、與、所、後、

不、能、也、兄、嫂、弟、妻、之、間、不、能、也、繼、母、方、修、親、生、似、續、  
之、隙、不、能、也、其、來、食、罷、王、官、耳、家、訟、龐、雜、是、非、糾、纏、  
啼、閔、聾、敝、先、生、日、費、幾、許、笑、口、傷、哉、貧、也、豈、能、解、不、  
知、何、從、之、怒、哉、乃、不、解、者、宜、人、代、解、之、盡、出、其、奩、橐、  
以、調、朝、夕、而、先、生、乃、得、日、酤、數、勺、挾、冊、高、吟、從、蠹、魚、  
游、也、久、之、奸、黨、敗、正、氣、伸、先、生、起、令、起、郡、丞、起、臬、憲、  
旅、進、旅、退、再、徵、入、卿、光、祿、而、是、時、有、洛、蜀、之、幟、口、舌、  
及、先、生、當、鐫、秩、先、生、援、案、草、歸、疏、宜、人、日、子、遲、矣、記

墨客鎮而  
竹膠膠

前審理在崇陽道中耶。卽趣歸。兩老友鶴髮相莊。終日鍵戶。一廳事座。上塵積一僮耕。一婢服力。客間至呼茶。宜人旋汲烹熟。良久乃得。內子曾遣候。見一媪。鬚鬆視績。方浣衣。訊之。太宜人也。叩首汗下。宜人自仰屋以來。不知街里向背。門外何東西也。年家商廷尉隣之。每誡其家曰。從不識周家有內人語。我察之數十年也。姚江史翰編觀燈越市。兩過其門。未昏而閉。竟闕十步。燈事徘徊咨息者踰時。宜人生平衣繒。

紵各一。不客見。則不被。遂伴筭以老。餘皆大繒布也。嗟乎。宜人貞靜肅儉。資幾上壽。克相夫子。抗節旌史。豈不休哉。有母如此。而子有佚志。則子愧矣。有姑如此。而嬾有華志。則嬾愧矣。是宜狀之以俟。海內椽筆采褒而壽其石焉。封年子女婚嫁。姓氏有其行實在。



墓誌銘

南京工部營繕清吏司主事加服俸一級望平

徐公暨配厲安人合葬墓誌銘

陳晉公曰  
先生瑯琊  
四州錄錄  
萬旋口則  
海林贈如  
駟斗岳縣  
交之即廿  
北面季重  
使君此誌  
真能諸江  
姑布子卿相人以目吾嘗欲以之蓋吾師徐望平先生曩任童子試時為于籍有栢人阨是時先生翼我兩目如崖下電嗣後任得脫穎每每得先生輒見其為曙星也余令由奉先生顧我猶矍鑠杖屨間燈迷目射曾幾何時而遽稱鹿華泉下人哉意先生之日

漢秋陽之  
意以報其

師者

徐耳猷曰

謹老之報

師今人所

不肯也謹

老之誌師

今人所不

會也人可

忽童子哉

必且化爲碧月埋之千百年後仍當焜耀人寰第不

堪照見肉眼淚珠耳先生易簣時去太安人前後備

六月命孫萬仞等以墓門合窆之石屬任夫任也何

敢銘先生雖然任又何敢不銘先生按狀先生諱啓

東字養元望平其別號也先世奉化人勝國初有祖

善卜洛徙虞下管鄉十數傳而至丹峯公以名進士

卿光祿是爲先生大父丹峯公生平山公視紳中翰

郎主客抗言分宜廷杖削籍年四十舉先生解

笑卽異凡兒十四能著作五經三試北庠皆首雋中

忌遂逐還以隆慶丁卯領鄉薦數上公車俱乙榜名

同物先生曰是造物者格我我何必一南官也因謁

選得太和令務一切休息立限催科朋俵馬民大稱

便已而調勾曲棋枰道也先生不競厨傳媚客口然

客至如歸縣值水災輒跨一高瘠馬爲之股分鉤引

田父不驚而水大治歲有腴田四十畝可私橐先生

悉出之用蘇漕役作常平法備稜民又大稱便薦墨

媿媿上矣、乃遷宛平令、眾愚之外、即天子、上林也、  
決斷肉鼓吹、朝夕、宸聽、先生常戲謂人曰、彼亦一  
縣官也、各宰其宰而已、然柱下冠、使者日相望於道、  
先生曰、有疆項、何難洛陽哉、主尚許、爭窳縛人、先生  
擒縛者置之理、許譁之、謂當廷奏、先生曰、必廷  
奏不廷奏、駙馬何所容、鬚眉即解印付政府、政府改  
容遜慰、檄駙馬易服謝令、一時轂下輯然、駕閱  
陵宮車、取辦京邑、中貴塞途、橫呼宛令何在、宛令曰

在爾輩何聲之怪也。上駐蹕功德寺、忽傳用女輿、

故事去陵五里、俱乘輦、不復輿、侍者挾索掌輿丞甚  
急、先生曰、我正官、何必丞執其人面、駕乃逸去、

上嘗語左右、難為兩縣主、辦兩縣者、大興與宛平也、  
勞以白鏹、命旌之、潞王之國、調發日千夫、如應

一郵使、各差使者、意見水火、即一繫令、有此情、彼法  
者、三宮籽粒、料價金寶、估值中外貴人、俱以為窟、先

生一以執衡之、越人克斥京師、或援為姦利、而終不

老師令宛  
不佞常謂  
候中貴數  
二輩在館  
任口如此  
虛言何以  
處之笑曰  
焉子留心  
吏治乎強  
來則軟軟

至則強子  
識吾言真  
應世才也

能得之宛平。居嘗謂吾項雖彊，然腕弱膝斃，髮種種，俱在宛，宛不可爲也。已而遷留都，繕部郎，司農以倉請，司空以陵請，一時費省事集，俱出先生指畫。先生、在官不飾，去官不縫，竟以宛事鐫秩，丞閩福寧州，地方瘴，先生曰：吾旣取道，觀蕩鴈之奇，不能復耐，颯鳶搖搖矣。遂拂袖歸，築亭鹿華溪上，榜之曰濯纓，志清也。子孫或不給餽粥，而先生曰：吾不官，爾輩竟餓死乎？先生見事必徹終始，能飲酒不及亂，能奕然善

爭能詩在陶白之間，能謔浪喜人說鬼說夢，笑言啞啞，風流灑然。嘗共家比部語家比部云：吾輩老矣，則輒戲曰：誰爲爾吾也？又云：少年場當小心，共之不則如海鷗舞而不下，其機警權暢類如此。而厲太安人者，姚江人也。先生苦貧時，太安人佐脩髓，雖幾下不廢。女紅先生三任爲令尹，太安人荆布如故。性喜施，卽請取之，終念其貧不較也。子及孫，膳或浮品，輒默然不勝箸，必有所與而後快然一嘗。先生之仕學大

抵太安人克襄之。老夫婦白首相敬，四十年如一日。徐族雖鼎盛，復為美譚也。先生臨沒，裁詩數首，一以別諸老，一以囑諸孫。所著文集行於世。銘曰：其骨死，其睛在。晉人漢吏，眉風洛派。與老妻笑歸鹿泉，而覩茲振振者。麟翩翩者鳳，將高其門。夫其世於未艾，噫嘻。

袁州知府鳴和朱公墓誌銘

不佞廢棄里居，授徒有戶外之屨。二云父命負笈一

椽。從王先生朝夕，蓋子年友朱儀明之子。名師賓云：師賓之讀書也，嘗痛心疾首，悟悅終日。一有未合，輒無以自容。儀明先生以大物期之，即稱觴自老，不聽歸。辛酉秋，予過虎林，送試先生飯我於堂，而酒我於湖。觴之上，是時同年周中丞、胡參伯、米觀察相顧笑，歎以為晨星良晤也。曾幾何時，而先生遂乘化去耶。師賓斬焉躡踵，不及巧狀，而以生平之畧上。曰：先君子平日語孤，即有事，其以王先生銘我。任又筮筮在。

疾。脆弱舌蹇。其又何能銘先生。然自分與先生三試  
同籍。先生守袁州。而未竟其實。任李袁州。而但拜其  
名。不第同志相得。而益同病相憐。二三老兄弟。生歿  
之際。其敢以不文辭。按畧先生諱瑞。鳳字儀明。鳴和  
其別號也。先世姑蘇人。有榮一公者。幕越州。喜山水  
清佳。擇白洋而居焉。數傳而爲思勤公。以文孝稱。遂  
生肖齋處士。脩兩朝實錄。脩郡志。所著陶鉛集。驢  
背集。農餘雜言。生可齋公。儼於庠。於是生名御史。爲

白浦公節。白浦生懷浦公。以浩邑增廣生。是爲先生  
之父。先生幼竒穎。十一歲能文。喜博古。尤酣治老莊。  
其文如古梅。槎放絕壁。寒潭。身爲柱史孫。貧至赤骨。  
懷浦公入城。先生背笥簾。懷浦公下帷。先生代耕。五  
六月。解襪。膝耨。進汗如血。雨畢。卽入山樵採。夜理魚  
罾。蠟管晨炊。問業罷。復往卽事如故。或得一大魚。父  
子沽酒柳陰下。講文字。間以拇陣號呼。相勞相勸。日  
豈有長貧賤之理。傍人窺而駭之。莫測也。學使者督

卷先生論未竟、燒燭不能待、按行日之日、文即佳、不  
必有論、先生起對曰、願了此論、不願得高等學使者  
拱謝之、既而辭懷浦公、乞僧室絕跡一載、作文千首  
得連雋、甲午乙未、出令長汀、愛民如子、請翁母就養、  
而幼弟瑞龍俱焉、諸鄉紳或宴饗先生、雅不欲獨赴、  
必翁席其上、已與幼弟席其傍、諸鄉紳列侍之、年高  
者必欲其敵翁禮間、或與幼弟俱席、而以所席為母  
遺、諸鄉紳自後席必祭二尊、先生自為懷浦公壽、則

以堂皇上、乃翁邀諸僚佐、鄉紳父老列侍、亦以高年  
者、正對賜吏胥、父母大酬、有差肴錯山海之具、無弗  
供也、笙竽鐘鼓之懸、無弗設也、優伶角抵之戲、無弗  
陳也、酒酣自起為舞、祝翁母萬年日、見與昔日耕田  
孰多、當是時、燕喜鵲騰、子民奔走、上下懽悅、一邑益  
然、劉季出翁於鼎俎之餘、而母不逮、又羣臣懼伏、不  
盡錫類之情、南面王雖樂、不以此易也、先生少雄於  
酒、而有學童之癖、吏才踔絕、上官與語、或有所睥睨

卽一坐欠伸。入庭拳踞。俱不滿人腹。竟以此鐫調謫。楚闌得暢黃鶴赤壁之游。稍移壁山令。而太母歿。先生血枯於背。苦處者三年。起補中州之寶豐。邑故窮瘠。喜私鬪。先生解喻百端。第以笑破其怒。早魁至。輒賜禱於香山寺。往來廿里。三日而滂沱。旣霽。旣足也。捕蝗文下。先生曰。是垂天黑。青內凶者。惡能勝之。無已。則齋沐爲文。以禱之。一夜蝗去。衛人薪樵之役。豐不屬。先生不扶而怨。勉之。冬冰墮指。先生籌其績。而

以巨釜熱糜。及川麴。芎其中。民不病濕。至今歌焉。豐人文久厄。先生乘高相視。鳩工庀材。振其秀吉。而治其穢。窳樞星斗煥。聯雋者三人。當事者以最上得封。懷浦公贈大母如其官。尋陞南北部主事。懷浦公以九十有二。壽終於家。先生徒跣歸。泣如孺子。葬公如禮。而青烏氏欲惑之。先生曰。吾不敢爲子孫富貴。數動我親骨。人服其識。旣而補北刑部。董視囹圄。寧縱母東盈。廷詳讞。得先生一言而決。尋出守袁州。蒞事



兩月、而公有幽之疾、遂引懸車義以歸、考功竟以先生中法、亦情勢所必至也。先生歸而展墓、忻然疾愈。謂師賓曰、我初力農得一第、養而大父母、屢起屢躓、猶得以金紫還故鄉、使我卽領槐棘長、一旦墮站、豈或昇於驟、漫蹇渤之內、不更乏韻致哉。吾所橐俸、尚足致百畝、以其半供釀。吾性畏里豪、炎冷喜西湖風物、媚好買扁舟一隻、看三竺烟雨、訪孤山鶴、釣六橋魚、老手尚堪師也。嚴客來、第曰、朱某有心病、不識性。

何人廢矣。無溷乃公爲佳客、至趣爲我具雞黍。終日丁丁一枰上、勝亦可、敗亦可。卽黑白溷淆爾、我倒置亦無不可。至汝欲爲文、有三多訣、日看多、做多、商量多。此外都忘却、而翁不能復屑屑而也。師賓乘間以請、曰、棲神導氣、亦養生家所不廢。大人圖之否乎。先生曰、而大父故未嘗有黃白之術、吐納之奇也。幾及武齡、造化以我爲郵傳、而我乃以造化爲桎梏。此求生而得死者也。未幾先生痰疾發、無一語及後事。端

走自立而終。先生性豁爽不羈。一啓口而五臟了然。喜諧謔。人人亦諧謔之。而稱爲朱。駭益笑。受不忤。常曰。人生孝弟事完。此外儘可適志。卽怪我罪我無害也。其令長汀也。有同年郡李侍兒姣倩。先生遇之途。下車揖郡李。肅入酒家。而麾一騎縛侍兒去。入計之時。人已下已之石。而先生猶不知。方高卧。鼾鼾也。任曾過之。探篋中僅兕觥一具。先生曰。是汀士所問業者。饋我二觥。一以奉親。一以自奉。黜報至而先生猶

手之不爲色。曰。官可動。觥不可動也。其待謫入都門。寓一破廟。自煮瓦鑊。如孤僧。兀坐馬通艸中。絕無嗜好。任扣之。則臂落一釧。曰。此吾母之戒也。曰。毋復酒。毋復好外。淚至沾襟。先生精於祿命。常言打折我腰。當橫金先若等。言竟驗。錢仲美爲諸生。錚錚自命。戲先生卜魁元。先生曰。寶典絕望。卽遺收亦難。仲美欲批其頰。先生曰。更詳之。則又曰。寶典絕望。遺收更難也。雖然。八月七日未時。當見賞。明年成進士。然名高。

利不崇爾竟不爽毫髮。仲美每以爲奇談。徐侍御兄  
第狎髻飲。先生邁之。卽解衣盤礴。或諷去。先生曰。桃  
花古洞。遂不許世人一步耶。懽然共之。其入補時。過  
淮陰城下。月妍好。先生呼同行少年環坐。鷓首鼓吹  
歌咏。拍掌轟笑。隣有要舟。郡邑負弩禁譁。飭警先生  
視之。如一醯雞耳。要舟反引重避去。其在寶豐。有以  
紀甌乞獄者。先生曰。咄。滅而類。卽破而家。甌復何往。  
其以償寃者。天湛湛也。竟論歿。張差之事。有藉之以

圖畫

爲功者。有辨之。以爲德者。功欲侯。德欲利。辨言初起。  
先生厲聲曰。朝廷處分已當。可以無言矣。其伉直疎  
放類如此。此則師賓之所不及知。而思任之所習見。  
或傳聞者也。

外史氏曰。以予所觀功名之會。有忍其親以爲公者。  
有賣其親以爲清者。有割其親以爲忠者。天之上不  
可知。地之下何以知哉。朱儀明於三者無愧。而篤孝  
有加。據其有懷一念。真不以天下易吾親者。鬚眉男

子也。若夫世法脫然。紅友麗豎。寄情不淺。亦其古者之疾。不幸而不生。晉時也。生於晉。則酒可盜。婢可淫。商可標。掠猶以為曠達。經濟儀明。其有是乎哉。是宜銘。

銘曰。其午時之骨。而葛天氏之胎。老當益壯。嬰未及孩。至今葛嶺。月罩雲埋。其下有聲。尚似哀哀。三二十年。夢游傀儡。亦金亦紫。亦莊亦諧。而笑之者。以為駭而笑。其駭者。寧渠便爾垂。

舞花游戲  
紫電飛神  
家天一笑  
孫幹錫識

桐木鎮巡簡陳公墓誌銘

伐穹窿。彫巖嶺。購華衛。求戈法。投人滿道。皆賢聖之骨也。吾以為此骨生前富貴。所言事。非其父祖也。一丘之貉耳。不然老巖石戶。子孫能章之。至卑官賤吏。羞不以口也。善乎武昌令陳治安。能言其父與祖也。

富與賤  
秦序  
道傳官小  
何實不傳  
何人謂長  
裕識

始治安言其父桐城尉事。予古之。而今又狀其祖。廣西桐木鎮巡簡。嗟呼巡簡昭矣。有復野先生乃可以。巡簡昭也。按狀陳氏居會稽之樊江者。自提舉公宙。

始、宙生皞皞不仕元、廬墓讀書、所謂中流老子者也、  
六傳而生伯高、是為恒齋君、即巡檢公之父也、恒齋  
君與長子雲野君、力田守繩墨、而公賦性濶大、獨任  
俠喜豪上、又不樂制舉業、一日負劍笈辭父兄、往看  
黃金臺、屈首典司馬、榛雲野君以書謝之、弟不田、是  
力去為吏、苦矣、公答之曰、貴有主之者、富則吾不欲  
主之也、起家一命、聊作檜檜材耳、  
辦官事、井井展  
錯有文采、尚書郎器重、以子授之、公終恥其書義不

孳給由歸、日以讀書為事、受易慶山沈氏得其傳、問  
文成高第、有李先生者、博洽能講解、為富人子所閱、  
公給之歸、跪請師事、執爨掃庭、招涼驅蚋、親內蚌、胃  
溺器中、為滌穢、鳩他子弟束脩、鎔碎錄成範、方敢上、  
以故一切經史子書、俱窺其大畧、每有所得時、輒露  
頂狂叫、所意氣烹割、酣飲竟丙夜不休、而所分瘠產  
日質、至削沒不留十鍾、公不之問、是時坐客有報春  
信者、商量禾幾分、麥幾分、公方醉、踟之曰、書又幾分、

容傍睨曰。產盡矣。餓死在肩下。又非秀才。又非官。尚  
工書幾分。公曰。若輩飽死。更何益。豈官秀才。卽知書  
耶。雲野君與人爭。且格。公助之鬪。爲有所力者所批。  
又恥之。莫尾其跡。共駭有憤激事。月餘。則攜械具種  
種歸。蓋從拳勇師講擊刺來也。仇家匿不敢出。而公  
謂之。我豈作郭解。聊自習所不習耳。鄉黨中有穢人。  
道出其門。公愛一揖。必迂道避之。時人爲之語曰。惜  
一顧。多行路。其天性剛嫉如此。公爲人。又方潔自矜。

不摹今蹈古。衣有少點。卽斥去。常作一寇。擬囚正人。  
望之愕然。而公戴之怡然。幼穎異。同族人至他村觀  
角抵。夜歸。失楫。衆擾甚。公令毋聲。各判一手爲棹。頃  
刻還家。衆詰所以。云攘攘中。徒取詬厲。其明決皆此  
類也。公家旣落。益以酒自雄。謁選得廣西桐木鎮巡  
簡。公止攜一奴子就道。揪髻自慰。且得摩娑桂林千  
筍。下詰賊公曹。亾害可矣。至桐木。則諸蠻獠多。公寬  
仁長者。相戒毋入陳公境。而津關中支應疲苦。公多

方陳乞得稍裁大吏雅以此日公會有幕府之喪太  
守賻焉屬家難瘴隔莫肯行公委次不當及乃毅然  
請行竟為癘所中報命而卒太守慟日陳巡簡乃以  
灰勤事故會稽令王公文儒歛之而所謂奴子陳瑞  
者隻身扶柩以置遞歸初山陰錢吉夫善相地公以  
元旦日具冠服伺其開扇拜伏上二十金為壽吉夫  
誠之為擇地得上蔡山今葬其麓公之志也公生於  
云 嗚呼士君子能砥躬脩行雖抱關可以尊豈必

顯臆哉英雄本色即可象而摹也是宜銘

銘曰生於樊江歿於桐木王文儒視舍陳瑞扶之服  
而錢吉夫卜厥域清風兩袖經一籠乃貽陳氏之穀  
如此巡簡何俗 似識似緯從邊冷取與文章纒妙  
門人許必璉識

贈文林郎如阜知縣吳公暨配贈孺人吳母熊

氏墓碑

王先生每到挑窮撥苦處輒加意至  
愉悅之詞弗屑也 阮大鍼識

江陵贈如阜知縣吳仰高別號後池系出太伯裔洪  
武初世祖自白下徙荆門愛其江山好家焉數傳而

千百番虛  
美所以季  
重先生捉  
劍壁說橫  
說此等筆  
法皆自太  
史公列傳  
脫來

至贈公公媵脩警異孝養兩親業儒不售家四壁立  
配熊夫人佐公讀兩人如鹿門友室無長物一缶竈  
濕葦寒烟涕目每炊則夫婦執筒遞爲之猶相廣曰  
秦女鳳簫不過如此贈母日得一飽妾上機君入史  
毋相瀆也然介清譽飛出鄉里比之爲沐德那或構  
怨取贈公一言而釋公極貧趨義若渴當除夜無聊  
往巷門踏適值負薪者赤足塚冰上怏怏無所之公  
日家家爆竹蒸盆松矣挾滯貨焉往重人曰小人有

婦雙脩

母已大老豈敢望酒肉倚門待此易粟歸一飯亦除  
夕也。泫然泣落公驚曰有是哉索袖中約結有白蠟  
四分此詰朝壓歲者今贈子矣還語熊孺人孺人曰  
何不急與之曰已與之矣夫婦一時意念如此此其  
一事耳舉丈夫子四家計日書四分可掬也四丈夫  
子日以長不能就外傳食指漸蠹將徙業贈公曰不  
可士之爲士硯田雖磽爾曹減口忍嗜日賦爾二  
而熊孺人繡大士持名謂四子我卽不能酒肉胎



汝曹每雞鳴睡熟助汝一喚今仲子言之淚潸潸也  
仲子成進士而贈公不及見仲子爲東陽令有聲補  
如臯調邦稱海內循良第一而贈母不及見然子若  
孫繩繩矣

銘曰人惠有秤等天惠不秤此老極善記極知感第  
真○有○以○感○之○一○感○之○卽○不○勝○是○以○吳○公○除○夜○贈○負○薪  
而子薪孫樵火方燃始氣煇煇其欲蒸此四分者爲  
木爲長爲高近利市者論倍乎而厥本厥利焉算焉

祭文昌帝君文

帝德無疆始於孝友十七世身陰功積厚迺升于天  
奎文司斗感應靈書化飛及走惟我稽城巽當石紐  
官齊橋首一亭爲臯額以通明奉帝晨酉碧水青山  
爲帝敬壽今值誕降薦以椒酒如儼師保如臨父母  
惟帝胥臨雪騾抖擻

要言不煩已勝于建八斗元美乙石

門人翁濬識

律計四十條

約法三章

笞 每一十贖銀五  
釐罪止笞五十

杖 每一十贖銀一分六  
十起罪至杖一百

徒 徒作惡徒之徒每一年贖銀三錢不贖侍坐  
一年罪止徒三年至總徒不准贖終身侍坐

不許  
對奕

斷罪依新頒律

凡斷奕間之罪皆須具依新頒本律不得以意為

出入違者笞五十

〔纂注〕本律乃具載本條之律也若故出故入則有心舞文矣故笞之

殺人

凡殺棋除威逼人致死者擬議定奪威逼人者杖八十其謀殺故殺鬪毆殺刳殺戲殺誤殺過失殺自盡殺造畜蠱毒殺及採生折割人俱登時殺死

勿論

〔纂注〕威逼人致死者或敵家捨換叫罵敲拍或旁人啾鬪鬪亂指點則破殺者出於慙憤不得

已而情有可原故當擬議定奪而威逼者仍杖八十以懲之若夫謀殺者則智出其上而定計以殺之也故殺者則力出其上而決意以殺之也鬪毆殺者則兩相格殺而殺之也刳殺者因打刳而殺之也戲殺者偶爾游兵鬪之而亦弄假成真以殺之也誤殺者彼無可殺之理我無殺彼之心原為此塊而忽然誤殺彼塊也過失殺者在彼原不當殺而或脩補自錯官着自滿因其過失而殺之也自盡殺者非過非失明明活棋而必欲自盡以至於殺也造畜蠱毒殺者捐數于與之食因而毒殺之也採生折割者彼已生矣或投截其間而割殺其數子也以上數項非人有大力則我原不能將誰尤乎故曰登時殺死勿論也

擄掠

凡見已大敗輒敢擄掠圖賴人者杖一百徒三年  
仍坐贓一百二十貫其激變濶局有所規避者杖  
八十徒二年俾失者不坐

纂注見敗而擄名爲羞惡之心實有混賴之意  
必徒創而又坐贓則計窮而姦杜矣若激變者  
出于有心躲閃或落子亂局或敲局亂道是亦  
擄掠之漸也故徒僅稍減之然無心偶錯則不  
必坐

### 白晝搶奪

凡白晝搶奪人棋杖九十徒二年半強悔者杖七

十哀悔者笞五十聽悔一次仍紀過罰一子

纂注言白晝則燈下在其中搶奪者謂人持子  
未下或下子未定而遽從手中奪之以起其子  
也情雖強而實則弱故徒懲之強悔杖七十惡  
其強也若哀悔者尚有輸服之意笞之而聽悔  
一次所以示憐又必紀過罰子以責  
其改所以示法律可謂寬嚴並濟矣

### 事發在逃

凡局已分勝負因而挾憤逃去不終者杖一百總

徒四年

纂注擄掠猶聽人之柳榆在逃則不復施已之  
面目况云挾憤是剛而昧耻者吾非斯人之徒

與而  
誰與

公取竊取皆為盜

凡公取竊取皆以盜論公取杖七十徒一年半竊

取杖六十徒一年仍計贓科罰每一子加三等

纂注公取當人前而溷取之也竊取乘人背而竊取之也公取甚于竊取故加重然耻莫耻于盜故皆三倍罰之也

威力制縛人

凡挾威力拆擊人棋而制縛之者杖一百罷局不

敘恐嚇人者笞四十

纂注此與威逼不同威謂威勢力謂氣力挾者如挾貴挾尊挾長挾潑挾慣挾嬌之類拆則不止悔人之棋擊則不待人奕之定制者拘也縛者網也是必欲以強取勝而拘網之使不得動也律惡強故杖一百雖勝不敘恐嚇人如口稱決殺之類亦亂人觀聽者併笞之

奏對不以實

凡奏對詐欺不以實告者杖一百

纂注奏對即應答也許欺不以實告謂敵或他有應耐問着何着而故詭言以哄之也此自可耻事查出杖以一百亦痛快人心矣

詐爲瑞應

凡詐爲瑞應詐稱死二詐喜詐悲詐驚詐乞暗邀人心者各笞五十

纂注瑞與遂同詐爲遂應原不欲應之而故爲應狀以誤其着也許稱死二原未必卽殺而故云已殺以懈其着也許喜者未勝而自賀詐悲者未失而預愁詐驚者有陡然一悟之意詐乞者有無故索憐之情是數者心甚苦勞態俱鄙猥然詐僞與強竊有間故僅笞以五十也

那移出納

凡將出納之子暗中那移者杖六十隱蔽者罪同

夾帶飛詭者杖八十徒二年

纂注出納之子卽在局中之子也那移則非其原着矣隱蔽者或以袖遮或以手影俱係弊端故俱杖以六十至夾帶飛詭則二而爲有東而或西弊大而爲盜矣故當杖八十徒二年也

教唆詞訟

凡教唆者杖八十把持喝令扛幫扶同者杖九十  
把局不敘願終者聽該着立案不行

纂注奕如兩家之訟久之曲直自見乃旁觀人代爲之奕何爲也教唆以言語把持喝令則以強力扛幫扶同則以串謀矣故杖有不同而罷局則一願終者聽聽被害之人願終也所教之

着斷然不許  
許依用也

詐教誘人犯法

凡詐教誘人犯法至死者杖九十若左使殺人者

杖一百

〔纂注〕詐教與左使情同而事異詐教則可信而可疑稍驚覺則不階其術中左使則為彼而為此至死亡猶不知其就裏故一杖九十而一杖百也

庸醫殺傷人

凡庸醫見人棋子有病初無故害之情不按方術

強為鍼刺因而致死者杖六十終身不許行術

〔纂注〕庸醫乃低棋之別名方術即奕譜之正法雖有救人之心而甚有殺人之着杖以六十而禁其終身奕棋當自謂不冤也

術士妄言禍福

凡旁觀原無確見而恣口得失代人驚喜者答五十

十

〔纂注〕得失者其口之妄也驚喜者其色之妄也勞而取厭忠而被誨何赧如之當答五十

漏洩軍情大事

凡旁觀將機密重情及緊關事務漏洩而又代為打點者杖一百顯相告語者杖九十隱者杖八十以手足聲氣者杖七十色目者杖六十

纂注重情則係一日之利害緊關則係一着之存不豈宜漏洩而又代為打點是既為之開提又為之畫策則對局者難堪故杖一百顯相告語如云某處當補某處當棄公然無憚豈可為訓隱者如西南風緊且管自家之類言雖含糊大要點破矣故杖八十至于手足聲氣色目之類猶有畏心故因其淺深而分杖之多寡也

同行知有謀害

凡同行知他人有謀害而輒相告戒者杖六十

纂注此條重同行二字與旁觀不同日謀害則着中已見以其同行也故罪止于杖六十而杖止于告戒也告戒如泛云詳慎從容之類

官內忿爭

凡對局時兩相忿爭者各杖七十本日罷局不敘

纂注奕本雅戲而忿爭則惡道矣本日不敘所以冀兩家之悔悟而平其他日之情也

立子違法

凡下子須正大明白若翻混起剗觀望者俱以違



法論答五十

纂注翻者翻安其上而不落混者混界其中而不明起倒者既放復取而不决觀望者察言觀色而不定皆陋品也答五十允宜矣

囑託公事

凡囑託人代謀代數者答四十代者罪亦如之

纂注此條明顯

罵人

凡罵人者答一十五互相罵者各答一十

纂注罵人者罵局也如云臭矢之類

搬做雜劇

凡奕時腐吟優唱手舞足蹈觀聽狂惑者俱答五

十

纂注數者不惟撓亂人心抑且佚蕩已志故答之

守支留難

凡奕棋久持不下令人悶待過一刻者答一十若本當議擬未及半刻而故催促以亂之者答二十

纂注答久持所以創滯賦也管催促所以警聒開也

冒支

凡正着官着須一遞一着敢有乘作冒支多着者

杖八十

纂注此

條明顯

得遺失物

凡數棋誤將棋道遺失者即當白還違者答五十

纂注如棋塊散碎或花做誤遺應當明白說還豈可隱昧此條為數五數十而設

敢留迷失子

凡數棋偶然迷失一子許收留作數不許徑起違

者答三十

纂注迷失自當留算徑起則同作必故答之此條為一子而設

公事失錯

凡因公事偶錯即自覺舉許紀過罰二子改正其

已經應決者不許改換

纂注公事突作豈無錯失即刻檢舉方許罰二子改正然此為敵人未應者言也若已經應決

則不聽其換矣是亦兩平之道也

### 檢踏災傷

凡局中檢起死子須面同清理違者杖六十若非死子而作死子本九子而作十子者杖八十被傷人慍慍不肯看拾者杖七十

纂注面同清理則無有後言子數責實則不敢虛報律意無非所以杜爭也

### 事畢不放回

凡事畢不即輸服而苦留再奕者杖七十

纂注事畢即局終之謂再奕乃歪纏之情故當杖七十

### 謀反

凡曾經投師輸拜而忽然拒敵不肯饒服者以謀反論但列子杖一百總徒四年止係平交昔弱今强者彼此增減勿論

纂注律意止重師字如曾經學奕輸拜則雖青出于藍亦當然思其本如輒敢對壘驕抗不須與奕但列勢子即當杖一百總徒四年所以懲倍惡而正終身也若平交則彼此互饒增減勿

論矣

私和

凡奕棋有犯不即舉發而同罪相抵以私和者杖

八十仍盡本法

纂注同罪相抵如各據一局各悔一着之類

禁止迎送

凡奕棋不許迎送違者笞一十

纂注迎送則心志不寧爭托有漸故笞之

上言大臣德政

凡以奕諂事貴長巧為稱頌者杖七十或隱忍退

敗有所圖為者杖一百

纂注稱頌至巧止欲取人之悅有為詐敗則將行已之私一姦一險故分別杖之

誑騙

凡棋方高出人上而故求對着減饒誑賭人財物

者杖六十計饒子之力每一子加一等財物追入

官若止求省力匿不盡長者笞二十其力本低而

不服饒及妄欲饒人者各杖八十

纂注原可饒而必欲對原可多而必求少誘人輕賄是為誑騙既杖之矣而又計子加等追財物入官庶其罪乃盡也若但求省力而不盡所長雖屬詐情猶有嫌意僅笞之而已至不服饒與必欲強饒人者皆不量力之妄人也故均杖之

### 侵占街道

凡棋子不由棋路而欲多挨一子希圖算賴者以

侵占論杖八十

纂注此條明顯

### 冒破物料

凡敲棋碎子或因爭奪而致傷他物者杖六十責

令賠償係已者勿論

纂注此條明顯

### 造作不如法

凡棋局俱要開闊鮮明故不如法希圖溷人者杖

六十限三日內改造違者杖一百

纂注此條明顯

### 聲明冤枉

凡奕棋犯罪果出冤枉而旁人不能辯明者杖八十

纂注此條重旁人而設或主儒敵強或跡似實非俱要旁人代為伸雪而律之委曲亦至矣

起解金銀足色

凡奕所賭進務要足色足數如低假短少每三錢徒一年賭飲食者亦如之

纂注此條明顯

市司評物價

凡博進不便而以他物抵償者赴市司評估不實者杖八十強抵者同罪

纂注博進不便謂所博之資不便也他物如書畫扇墨之類市司即旁人也不實兼低昂而言

虛出通關

凡銀物不持而徒寫欠券者杖八十受者減一等若彼此對支者杖六十

纂注此條明顯

貢舉非其人

凡奕須其人相當若故爲貢舉而實陷害之者杖

六十

纂注貢舉卽推遜之意其人卽奕棋之人也若大相懸絕而必欲其奕雖未曾誑騙之而亦戲弄之矣况戲弄之久卽與誑騙之心乎故曰陷害之也杖六十宜矣

化外人有犯

凡奕律頒行天下係我同志者各當遵守如化外人聽其有犯不用此律

纂注化外人乃負固不服而必犯此律者非中國也非中國直縱之縻之而已何足數焉

跋

蓄志成 先君子文飯而制於力勉以小

品先之而毀言至日以子而選父纂也以

愚而選智誕也以大而選小舛也似也然

易不云乎八卦而小成則大成者小成之

引伸也智者千慮不廢愚者之一得父子

之聞外人那得知此吾家語也吾弟使天  
下先知有文飯饑者易爲食而已知我罪  
我於我何有哉

戊戌初夏不肖男鼎起薰沐百拜謹跋

